

Nimewo 39

DEKRÈ EGZEKITIF

DEKLARASYON YON IJANS POUTÈT KATASTWÒF NAN KONTE SUFFOLK

KONSIDERE KE, nan 18 out 2024 ak apresa, plizyè gwo tanpèt te kreye kondisyon danjere ki poze yon danje iminan pou transpò piblik, sèvis piblik, sante piblik, ak sistèm sekirite piblik yo nan konte Suffolk:

KONSIDERE KE, tanpèt la te pwodui prèske 10 pous lapli epi se te yon evènman lapli ki rive 1 fwa sou 1,000 nan yon ane nan kèk pati nan Konte Suffolk, ki te mennen nan yon ijans inondasyon rapid ki te lakòz fèmti wout ak ewozyon, entèripsyon vwayaj yo, ak dega nan pwopriyete piblik ak prive, ki poze yon menas pou sante ak sekirite piblik;

KOUNYE A, KIDONK, MWEN, KATHY HOCHUL, Gouvènè Eta New York, avèk otorite Konstitisyon Eta New York ak Seksyon 28 nan Atik 2-B nan Lwa Egzekitif la (Executive Law) ban mwen, konstate avèk dokiman sa a gen yon katastwòf ki te rive kote gouvènman lokal ki touche yo pa kapab entèveni kòm sadwa. An konsekans, mwen menm, avèk dokiman sa a, ap deklare yon Eta Ijans Poutèt Katastwòf, ki antre an vigè nan dat 23 out 2024 pou Konte Suffolk. Dekrè Egzekitif sa a ap rete an vigè jiska dat 22 septanm 2024; epi

ANPLIS DE SA, konfòmman ak Seksyon 29 nan Atik 2-B Lwa Egzekitif la, mwen mande egzekisyon Plan Global Eta a pou Jesyon Ijans (State Comprehensive Emergency Management Plan) ak otorize, anvigè apati 18 out 2024, ajans yo nan Eta a, jan sa nesèsè, pou yo pran mezi apwopriye pou pwoteje pwopriyete Eta a epi pou ede gouvènman lokal ak moun ki touche yo nan entèveni kont katastwòf sa a epi nan refè anba li, epi pou ofri lòt èd ki nesèsè pou pwoteje sante ak sekirite piblik.

ANPLIS DE SA, deklarasyon sa a satisfè kondisyon 49 nan Kòd Règleman Federal yo (Code of Federal Regulations, CFR) 390.23(b), ki bay sekou nan atik 49 CFR 395.2 ak 395.5. Sekou sa yo nan règleman federal relatif ak lè sèvis transpòtè woutye (FMCSR) nesèsè pou kapab garanti ekip yo kapab debleye wout ki pi enpòtan yo epi akselere mouvman ekip k ap remete sèvis kouran yo nan Eta New York;

ANPLIS DE SA, avèk otorite mwen genyen dapre Seksyon 29-a nan Atik 2-B Lwa Egzekitif la pou sispann oswa chanje pwovizwaman nenpòt lwa jeneral, lwa lokal, òdonans, dekrè, règ oswa règleman, oswa pati ladan yo, si respè lwa jeneral, lwa lokal, òdonans, dekrè, règ oswa règleman sa yo ta anpeche, jennen oswa retade mezi ki nesèsè pou fè fas a katastwòf la, oswa si sa nesèsè pou bay asistans oswa èd pou fè fas a katastwòf sa a, avèk dokiman sa a, mwen sispann oswa chanje pwovizwaman, pou peryòd ant dat Dekrè Egzekitif sa a antre an vigè a jis nan dat 22 septanm 2024, lwa ki annapre yo:

Atik 5-A Lwa Minisipal Jeneral la, nan mezi sa nesèsè pou achte pwodui, sèvis, sa gen ladan konstriksyon ak ekipman san yo pa swiv avi ak pwosesis acha nòmalyo;

Seksyon 97-G nan Lwa sou Finans Eta a (State Finance Law), nan mezi sa nesèsè pou achte manje, materyèl, sèvis, ak ekipman oswa founi oswa bay diferan sèvis santralize pou ede gouvènman lokal, moun, ansanm avèk lòt antite ki pa fè pati Eta a ki viktim yo;

Seksyon 112 nan Lwa sou Finans Eta a, nan mezi li annakò avèk Atik V, Seksyon I nan Konstitisyon Eta a, epi nan mezi sa nesèsè pou ajoute plis travay, chantye ak tan nan kontra eta a; epi

Seksyon 163 nan Lwa sou Finans Eta a ak Atik 4-C nan Lwa sou Devlopman Ekonomik (Economic Development Law) la, nan mezi sa nesèsè pou achte pwodui, sèvis, teknoloji, ak materyèl ki nesèsè yo, san yo pa swiv avi ak pwosesis acha nòmalyo.

F È T anba siyati mwen ak So Prive Eta a nan Vil
Albany, nan 23èm jou mwa out nan ane
de mil vennkat.

SOU LÒD GOUVÈNÈ A

Sekretè Gouvènè a